

遂初草廬詩集

遂初草廬詩集卷八

越吟集

琅槐杜 堦石樵著

山陰道上示幕中諸公

飽看青山得幾回
兩年三度越州來
孤帆遠影風吹到
萬壑秋容雨洗開
攜客那無蘇子興
騎鯨合共謫仙陪
六陵遺迹君休問
暮色蒼茫語易哀

舟泝剡溪而上值風雨特勝未知子猷雪夜視此何如也
葉葉風帆際曉開
和烟將雨送人來
千年往蹟供詩料
一棹秋光落酒杯
水曲山隨人面轉
地遙天趁斗杓迴
斯游恰道平生

冠欲喚坡仙與共裁

自新昌至斑竹嶺

欲踐看山約東來第一
習修篁要去馬低樹
胷行旌白馬翻岩下
烏健跨澗行坡陀
仍合沓畧約幾迴
縈石滑難容足
峯多不問名
無端筇吹發
驚斷碧溪聲

萬年寺留題

王程杳無極
訪道入名山水
落千巖底雲
消萬壑間松
門風漸浙
苔徑雨斑斑
一叩無生偈
歸來學閉關

天台遇妙香長老一首

待入天台渡石橋青蓮舊夢不堪招豈知一徑攀藤引未覺千
盤躡屐遙妙諦曇華空際落塵根綺語座中銷捫參厯井今何
夕卧聽仙音南海潮

半榻來同彌勒龕生公說法美東南拈花說與香樺比噉餅還
應怪石參下界烟深塵似海上方天遠樹如簪翠厓丹嶂重重
去長憶鐘聲促曉驂

觀石梁瀑布

絕境何人闢幽塗渺莫分橫飛千尺雪穿破衆峯雲拂石看奇
字聽僧說舊聞坐來忘歲月花落雨紛紛

浸花二首

江上芙蓉三兩枝燈前弄影伴衰遲
懸知過此長相憶四照樓

頭聽雨時

台州試院後樓阮芸臺先生題額

海國花開安石榴燒空燄燄邨
宜秋驀然五十年前事一夜思
量不自由

伊太守山亭夜宴

五馬平臨最上頭朱欄畫檻倚清秋
隔城燈火遙分座赴海江聲迴入樓
人世幾回傷聚散古來百歲等沈浮
千觴一舉休辭醉門外班駟不可留

雨過雁宕飯於淨明寺

似聞仙境在人間
元闕峒豈未可攀
斗笠能來良不易
胡麻好駐那須還
行經絕壑傾心賞
坐得叢林半日間
四十九盤又西去
迴頭何處認雲山

甌江夜渡

候潮帆挂野雲隈
密雨斜風向晚催
隔岸有人遙伫立
一星幽火過江來

癸未十月再至石門觀瀑布

長風渺渺送行舟
乘興來觀百尺流
界破青山終古色
做成紅

葉十分秋仙心輒欲騎黃鶴宦海無因狎白鷗卻憶年時拋蓋
去幾迴選夢到僧樓

題張仙槎泛槎圖冊

水月精神筆墨靈河源揮手下青冥新圖萬本詩千首從此人
間見客星

坐擅聲名四十秋壯年蹤迹老應休永嘉江上逢人說意氣依
然隘九州

舟次卽事

駭浪下甌東按筠挽客蓬舵留山腳石帆卸岸頭風白草沙痕

淺青泥鳥道空江村何處指斜日滿丹楓

枯蒼試院鄰學宮青松鬱然日夕望之聊以適志

君看十月風霜後何以三春烟雨姿可惜閒庭種桃李榮華零落不多時

甌江曲

江波滾滾去如箭下灘正急上灘慢江樹十月紅如花西邊翠竹東白沙山腳斷崖山背路人家半在山腰住一峯落葉一峯雲日日開門闕朝暮朝朝暮暮往來舟前日少年今白頭白頭人去少年在山自青青江自流

對菊

粉嫩紅嬌豔冶場游蜂舞蝶兩飛翔誰知眼底穠華盡更有籬
東晚節香冷淡尙餘含慧苦紛披不似入時妝劇憐對影聽殘
漏月白燈青夜夜霜

六十書懷

歲月唐唐六十籌世間何事好迴頭漫空雪阻江鴻斷捲地風
驚海樹秋宿草陳根新隴墓荒烟落日舊林邱也知枉下思鄉
淚趲到眉尖可自由

岳墓八首

亡宋者高宗也宋不復則必亡今也自殺其可以復宋
之臣以絕中原之望而快敵讐之心凡所以亡宋者汲
汲爲之如恐不及孝宗以下何責焉

中原惟待岳家軍自返江南更不聞一曲湖山藏劍珮千年陵
谷變風雲廟謨忍付沈冤獄手詔空褒震世勳滿眼興亡終古
恨漫澆濁酒對斜曛

王業偏安學六朝化龍枉負渡江謠陰謀不惜長城壞暮氣終
教焰火銷偶拾遺文叶絃管閒聽往事話漁樵欲將數斗唐衢
淚灑入錢塘早晚潮

西湖隱隱抱吳山一擲燕雲唾手間壁壘秋風悲馬鬣旌旗夜
雨悵刀鏤嬌歌煖舞樓臺靜金闕銅龍日月閒也有北來消息
惡厭聞軍府報當關

君王屈膝爲和戎袒臂明心事不同豈有鼓鞀思將帥更誰狂
狴論英雄河山自割天難問冰雪長埋夢未通百戰尙餘遺老
在可憐驢背泣西風

徽宗詞和夢也今來不做

八字猶傳對簿辭天高地迴此心知官家不省孤衷剖國勢眞
將半壁支通問每求天上使背嵬那要帳前兒金錢買活爲長
計可念金錢有盡時

未判元黃大野爭十年一旦敗垂成軍門自昔鑿凶出戰鼓從
今多死聲悵望黃龍捐故壤殷勤白馬乞新盟披圖檢點零山
水付與佳兒賀太平

詔書似火勒迴戈南下其如牧馬何不恤篋篋窮赤子漫云衣
帶限黃河鞭驅又見唐天寶藁葬誰憐漢伏波長夜九原聞太
息英魂幾遍歷銅駝

茫茫舊迹認冬青烟雨空山畫窮冥碧血已塗原上草丹心猶
照斗間星珠崖後事休重問柴市新歌忍更聽留得千秋忠憤
在幾人慟哭過西泠

詠史四首

武穆之時設高宗能視師江上示天下以兩宮不返無
以生爲忠孝感激士氣百倍加以河北響應義旗所指
不戰自靡撥亂返正一大機也失此不圖藩籬遽撤冤
殺遂聞復何能爲哉其殺武穆則亡宋之本其忘親之
罪任相之非定都之失則亦殺武穆之本也復作此詩
附於岳墓八首之後以質世之論武穆者

當年風雨捲歸旗草昧經綸未可期縱使鴻溝堪劃斷也應馬
角歎生遲遺宮故壘今何在虎嘯龍騰彼一時惟有空山舊松

柏蒼蒼不改向南枝

尺書衣領淚斑斑不與金牌一日還
鏡室頓教灰壯士甞廬空
復念家山春同紫闥朝佳節秋老黃榆
眎故關兒在九重親萬
里夜臺何以覲宸顏

陸挽車箱水舳艫渡河忠義萬人呼
不聞建號須君子卻倚圖
存有丈夫宣室地嚴宮語祕閣門
議衆外臣孤捫髀更取藏刀
看也悔當時大錯無

故老風前聲暗吞朝家大計敢輕論
徒爲蹈海開先路那得沿
江鎖北門馬革黃塵悲戰士烏啼紅
柏怨王孫唾壺欲碎緣何

遂初草廬詩集卷八

事落木蕭蕭野色昏

李海帆觀察海上釣鼈圖

珊瑚枝上朝霞生水晶宮中初日明
有客振衣千仞上釣竿欲下魚龍驚
海帆盛年文章伯手挾淩雲濟世策
眼底三山幾點青腳根萬里春潮白
古來豔說釣鼈事匪取其名用其意
坐令壺嶠如覆盂胸懷八九籠天地
歸來自願亦何有袖中雙插垂綸手
問他幾許往來舟識得仙人神技否

龍游晚泊

暮雲春樹越江邊詩卷兒孫共一船
兩穗燈花青照影半星茶

火碧生烟艣搖落雁投沙
迥帆貼浮鷗點水圓
忽憶家鄉何處
所清宵拈韻不成眠

蘭江漁父詞

桐梓山前白鳥飛
石塘橫畔鯉魚肥
斜風吹面檠雙划
細雨灑頭蓑
一園花霧迷村暗
涇涇竹烟落地輕
霏霏汲江敲石煮尖
笋家在青溪春不歸

小住

輕舟從南來
一棹落泱泱
樵徑寂無人
咳唾半山響
丹巖面面轉
清波宛宛流
竭來江上宿
何異秉燭遊

輕雷送急雨點點入江水添作澗泉聲爲洗枕旁耳
雞鳴乘潮去歇棹睦州湖山城春色好花裏勸提壺

聽雨二首

海國多春陰淒寒動高閣驟雨江上來繁聲傍耳作沈沈入深
更淅淅雜遙杵悵然懷故鄉負爾東山約簿書聊自屏注目燈
花落

我昔把耕耒日夕原上村中宵披衣起失喜繞屋奔膠膠聽雞
鳴風雅遺意存尙想陶徵士不識羲皇尊盛年忽已往悠哉難
具論

顧蘭崖周芝房錢偉堂三君登釣臺余不能從坐石上觀
之因述其事

昨日日暮瀧西宿雨打篷窗珠漉漉今日日高瀧東來四山晴
翠湧崔嵬急呼罷棹下船去蒙蒙茸茸上山路豈知腰腳隨年
衰磴削苔滑不敢步同心好奇二三客輕舉似振凌虛翮臺端
顧我歎且笑手弄雲烟千尺碧是時薄煖襲春衣杜鵑花發胡
蝶飛片石敲傾小容膝仰眺俯瞰皆晴暉此間合得先生主未
許凡人坐廊廡紛紛世上議羊裘解事小兒安足數招客覓徑
出丹霞颺颺歸帆紅日斜江頭欲問君平卜何似當年犯斗槎

江岸菜花

三月江南菜始花江波綠綠帶村斜孤舟落日青山影一線驚黃是水涯

甬江有憶

獨鶴辭巢向水湄片雲將影落天涯江邊不敢推蓬看怯見烟昏日暮時

過餘姚

濛濛宿霧曉打鼓去山村海氣通夷舶江光動縣門城連遙樹色橋長舊潮痕聞道前途迎行裝那處屯

時下壩缺水改道行

上虞舟中卽目

不覺春歸去
村村發棟花
林藏茅屋遠
溪護石城斜
遠近遮魚浦
東西響水車
一棱山翠好
樓閣是誰家

曹娥江

古碑題幼婦
此地目曹娥
山木千般色
江流九曲波
上流卽似剡溪
聞哀不已欲
寫恨如何
一下靈祠拜
男兒尙愧那

四過山陰

分明近裏遠
模糊水際山
垠渺欲無一
歲長春施錦
障四邊圓
蓋貯冰壺誰
家風日非閒
美何處樓臺
不畫圖此去
還能重到

否退朝清夢滿江湖

遂初草廬詩集卷九

越吟集

琅槐杜 壻石樵著

九月湖州方治谿太守宴

吳興逢九日不上道場山地主能相款行人得暫閒管絃微妙
伎囂罕潤醅顏落帽君休笑他年此會慳

羅子信太守招飲病不能至以詩答之

尙憶開樽烟雨樓釣鼈磯畔泊輕舟名區例有羣賢至快意能
生五月秋一夕鐃筚動城郭滿船燈火照汀洲佳辰勝賞今難
再付與邦人說未休

雜憶

閒撫流光有所思
雙了童子竟何知
拋將書卷心難繫
想到雲山意爲遲
短笠斜風高士墓
輕衫小雨社翁祠
東皋亭子西園樹
一日周旋十二時

桑畦蓬徑繞雲斜
暫出翻如忽到家
攀杏喜嘗初結子
挽籃誤摘未開
花偶因闌隔思移樹
每爲分流學種瓜
向晚卻來隄上望
涼風吹面數歸鴉

別業新添隔縣莊
全家忽爲出城忙
滿園綠影雞豚靜
十里薰風禾黍香
採掇牛涎思竹簾
護持馬乳訊紗囊
初來未擬旋歸

去幾度臨溪看夕陽

癡把門符作羽旄更從鄉社買弓刀籠藏凍鳥關心切線曳風
驚引目勞枕畔秋聲聽蟋蟀翹頭春釀醉葡萄當時未識情生
處感激多因讀楚騷

課讀先人舊草廬送寒以後過年初負暄慣就朝陽暖步影恆
憐夜月虛囊爲栽花收異種池因導水決新渠回頭一夢難重
到祇有逢人問貯書

未應之反讓前茅師友矜誇鳳子巢金盞和歌吟宛轉黃花疊
韻字推敲異書掇得連宵讀行卷新傳借手抄一種天然真味

在聯牀商推有同胞

四海相知一子由阿兄高眼氣橫秋聯吟自刻蒼苔字應舉同
尋白雪樓曾共傳呼騎竹馬也隨句管聽林鳩雁行零落餘殘
墨何地能埋萬古愁

兄前寄詩有分飛
零落不成行之句

小時文字詎能工十五初心暗化蓬白屋頻年駒蹠踐青襟累
歲鶴矇矓碰縣縣碧柳春城雨蔽蔽黃茅野店風更有買舟遂東
下朝烟暮靄送歸鴻

重泉永隔竟如斯說著成名事已遲松楸新陰空寂寞邱園舊
迹總迷離長懷少壯娛嬉日盡是庭幃色笑時二十七年心斷

絕夢我以後不堪思

老去還能強自寬
比來衣上淚痕乾
書空寄恨終牢落
翦紙招魂亦渺漫
想去多如隔世事
吟成留與後人看
但能解到無聲句
百種肝腸一味酸

將之台州

官郵迫歲晚
鼓柁出嘉禾
落日依檣近
西風逼戶多
秋聲淒葦岸
衰景愛漁蓑
更向天台路
盤盤險若何

晚望

殘陽一墮地
四望暖蒼烟
列戍高原上
連檣綠水前
人聲臨夕

靜星影落波圓展問停舟處燈花耿欲然

老去

老去空自歎歲寒何所之聊從文字役無補聖明時情多生感
易才拙應機遲不敢窺明鏡新添兩鬢絲

入剡

秋霜下南國紅盡江邊樹終日不逢人十月剡中去
東船與西舫橈聲如秋鴻對面不得語迴颿各趁風
山與畫屏轉水共彎環流自從千年來幾見王子猷
江山曾不改古人空塵迹屈指三經過已復成今昔

剡中歌

小僕拂塵安筆硯勸我試作剡中詩終日開窗看不足何因卻
費千尋思此來適是九秋後紅葉如花尙滿枝人家半出霜林
側炊烟欲起斜陽遲牧牛罷耕潭無事柴門理釣收縉絲兒婚
女嫁不出里垂老未識何別離我亦不羨名山與名水但願卜
居把農犁柴桑栗里今已遠此意悠悠知者誰

捨舟

布被擁霜寒疎篷閣淺灘山村小兒女破曉競來看稍就篴輿
穩還如木舸安周遭紅樹外疊疊埽晴巒

斑竹曉行

昨來山徑雨紛紛
撲面沾衣密不分
殘夜修篁鳴細籟
平明乾鵲噪歸雲
東峯日出西猶暗
上澗泉生下早聞
林外鳥呼泥滑滑
似憐過客惜勞筋

天姥山

李白夢中曾一至
至今行路識其名
摩挲刻石停輿立
一代風流萬古情

天台過石阪
水自北山來
意其爲石梁之瀑布也
因以寄

意

出山自何處千里潤生民
夙昔經仙境前途到海濱
餘波猶蕩滌大澤自齋淪
會飲源頭水終當不染塵

芙蓉村

雁宕之南
海口也

名山百二倚青霄黃葉林中駐使輶
一線穿雲過嶺去朝來正
上海門潮

江心寺

高宗自棄其人與土而東入海
二王亦襲其迹雖文山無益也

寂寞江心寺英靈尙在無興亡
千載事忠義幾人俱笑兀田橫
島飄零趙氏孤吳山重回首遺恨失雄圖

温州候明早發

遂初草廬詩集卷九

袁中書

五

恰到天涯換水程布帆欲趁早潮行遙來海國今三度聽徹霜
雞下五更紅葉林中通野戍白頭浪裏見山城東西南北馳驅
際無那鄉關萬里情

放舟

海門初日永嘉山放眼江濤出沒間野闊天高風急甚一行白
鷺卻飛還

舟中望月

今夜江頭月猶從望後圓初升仙客嶠來照使星船水落東溟
外山橫北斗前祇愁臨曉墮襪被卧寒烟

客行山下路

客行山下路人耕山上田十步一岡顧相失片時間

耕人向暮歸客行去不息過眼萬重山日夜東流急

石門洞坐話贈董榘園明府

初至水阻不能達再至怖其將墜而卻今乃始入也

去住亦何戀三來到石門酌泉因煮茗拂石且開樽稍就神龍窟
疑翻玉女盆雷硠吁可駭崩豁古無痕黯黯太初色盤盤千尺根
響殷陰壑動勢擁大江奔歲月仙人往風沙舊迹捫君今如謝客
眞宰欲同論

江行甚暖

碎浪亂晴暉蒼蒼橫翠微山花沿岸發沙鳥背人飛雪意因風
散春容待臘歸由來近東極無復怯寒威

甲申生日示兒受田

插梅於瓶畫仙於壁卽其時事也

兒子清辰拜中霽古瓶插梅爲予壽挂壁仙人何自來羽衣似
向丹山迴花裏有人人隔花斯人修到由餐霞我無仙骨豈勝
此歲月眞如赴壑蛇去年曾踏天台路今年又喚甌江渡石門
題壁兩三番爪迹迴頭已成故少時世外閱風烟老更崎嶇越
海邊何從卻買種花地底處能逢花裏仙爲爾且盡杯中酒神
仙於我復何有醉來儻可號梅顛花底婆娑看參斗

孔生傳曾攜其先人耕讀遺照乞題因書其事

我家本東海所務耕與桑先人有遺書插架齊屋梁十五二十
時抗志希農黃種豆依南山割麥連北場往往雒誦聲響徹比
鄰牆自云此間樂幾與塵世忘一朝通朝籍茲意遂渺茫孔生
三衢秀家世金絲堂派從南渡來奕葉流芬芳負郭事農耒攝
袂觀國光隆冬踐巖壑從我於栝蒼袖出耕讀圖切切語徬徨
讀者固其本耕也計之良二者相倚託貽澤一何長對圖忽歎
息撫案翻迴遶北風震戶牖颯颯吹大荒

栝蒼紳士新建試院落成詩以嘉之因示諸生

桃花嶺外駐行騶壯觀爭誇壓上游
頰仰少微新氣象追尋前哲舊弓裘
掄才手結千絲網造士心成五鳳樓
風雨雞鳴無限意

承平何以副

旁求

風培九萬水三千變化良由積厚然如此江山真勝地况今日
月正中天儒生事業匡衡壁

皇路勲猷祖述鞭有志竟成誰不爾勞余拭目待他年

說法云何更現身轡軒曾是過來人詩書豈爲儒冠誤圭華偏

於道脈親石火光陰爭砥厲菜根風味出鮮新科名也屬尋常
事不愧方稱席上珍

作人雲漢日昭同大化鈞陶泝九垓千里方隅誰得限百年風
會自今開匡時文字懸圭璧冠代英賢出草萊咫尺龍門燒尾
地已占光氣應三台

院西爲龍
門嶺有坊

登南明山同哈潤亭總戎蕭鏡巖太守范裴軒大令

枯州環萬山連延若一嶺豈知塵世外復此閭虛迴朋儕撰良
辰夙戒徒御整出門遂泛楫問途先引領詰曲分徑途漫衍遵
畦町壁面絕更通橋背跼復騁垂天架虹梁覆殿藏丹井幽黝

送衣其原言集卷之二
踏層梯軒豁造絕頂虛亭一曠望面面凌倒景俯看所來處烟
火彌四境誰言縹緲巔尙有婆娑影攜手素心客縱談欣日永
良願愜高深時光易暄冷下山更命屐歸路屢迴頸桑下不三
宿中宵默耿耿

哈總戎潤亭以佩刀見遺云是出師時所用飲血多矣天

陰晦或自出鞘寸許云

僕亦懷鉛士胡爲贈寶刀風雲祕靈怪霜月瑩秋毫粵海三邊
靜將軍百戰勞少年報國意白髮首頻搔

君故青雲冑相逢意氣多指揮隨虎豹談笑見山河自解文綃

佩將陪鐵硯磨此行渡江去可奈化龍何

刀鏤字
曰龍文

過嶺絕句

卽桃
花嶺

北客衣輕陌上塵越梅花發嶺頭春肩輿踏向寒空去行盡千
峯不見人

逆風挽舟

長繩百丈曳江灣大壑風吹雪浪還不爲懷歸愁歲暮朝朝留
看浙西山

雨泊

夜來江上風波惡侵曉雨聲打篷腳烟花道隔武林村樵爨人

歸富春郭圍鑑深閉木蘭舟一日行程半日留點毫欲作山城
畫薄霧濛濛十二樓

薄暮雪作繫舟山村命酌獨舉欣然成什

朝發富春山暮指錢塘碣北風吹凍雨灑爲半江雪我行旣遠
迴輾轉依林樾頗似東山詩滔滔感時節茅檐遶高下槿籬備
曲折緬彼廬中人良爲年豐悅故人贈佳醞開甕出芳冽霜爪
擘黃橘肺腑俱清絕取醉聊自持坐久漏云歇開窗更縱觀玉
虬舞飄瞥烟波殊瀕洞天壤寥泬安得攜長笛一吹山竹裂
將至杭得順風疾行

熱飲之江水今知近海鹹未能消酒渴且喜送風帆樹樹雲生
葉山山雪在巖家人應計日幾見夕陽銜

上元夜大雨雪

十日春寒不捲簾新韶欲動晚風尖滿城月榭星橋下一夜梅
花柳絮添簫鼓似聞清漏雜魚龍只恐凍雲黏來朝滑遶西冷
路蠟屐何人問酒帘

病起

定香亭畔小紅橋幾日春風臘雪消夾徑早梅猶片片出牆新
柳漸條條防階尚倚藤根杖禁酒空懸椰子瓢太息少年今已

矣漫言花舫與詩寮

初至杭欲於園中置梅舫茶寮而未果也

晚至西園看玉蘭

畫鼓鼕鼕徹曉催亭亭玉樹照樓臺兒童錯訝堆空雪句引詩人月下來

桃花

江岸桃花三五枝水窗風枕半開時等閒判送清明了底要人間解語兒

九里洲小步

去年正月過之梅花已殘今又遲廿日梨花方開也

再到桐廬九里洲風光物態兩夷猶梅花雪後梨花雨萬樹叢

中半晌留

過桐廬

嚴陵瀨
在其西

富陽西去瀨東頭宛轉春波抱郭流
烟雨中聞花柳畔家家有箇望江樓

阻風

昨日帆投富陽浦明星縱橫歷三五
朝來披衣襲輕寒稍覺生光變春煦
舟人謂是觀音暴但看盤鍼日轉午
雲起漫山山欲無凌虛已見商羊舞
萬指競挽千絲繩紛如落雁爭沙潯
須臾大塊號噫氣白浪掀天沒洲渚
平生對此膽欲墮况挾奔雷戰

簾雨夜深掣電猶照牀短被蒙頭噤不語腹搖肱曲息漸忘胡
虵繞幃飛栩栩朝衫暫脫卻還家兄弟相將棲故宇插禾朝上
東臯亭摘瓜晚到西陵園自云二十五年來可憐信美非吾土
天路險艱聊可度東隅趁好桑榆補豈知爲樂不終夕坐起驚
聞唱邪許但願長寐不願醒睡鄉一失今何所

江村

菜花布地竹論園樹色遮牆水到門山淨樓臺惟見影春深雞
犬不聞喧但看草木知時節儘有漁樵長子孫寄語南陽劉處
士豈須重問武陵源

江山船引

閩浙行賈往往載妓往還因喪其資者有焉

雞鳴山下聽雞鳴
無數桃花錦浪生
夜雨留人富陽郭
春風送客越王城
舞衫欲下依檣燕
歌管能招出谷鶯
最是
一年行樂處
滿江烟柳不勝情

雞鳴山在衢州城東北二十里上有塔

衢州試院索得海棠數枝
浸以銅瓶
昕夕相對
卽事書懷
得香字二首

行盡南天見海棠
暖風麗日鬪新妝
色除淺淡休言韻
格到神仙
別有香鸚鵡
樓臺春旖旎
芙蓉屏幙夢荒唐
少陵寂寞樊川老
一對繁華欲斷腸

正宇闌千百步廊小屏山畔讀書牀美人南國春無恨名士西
園座有香簾押雙鉤鐙錯落窗櫺十扇雨淋浪攜壺一月花前
醉思煞盧鴻舊草堂

吾家西軒前有之今亡矣

次韻張星槎表兄見示新春二首

靜中觀日月老至謝冠裳世事我何與春華如許長階擲花影
碎衫袖酒痕香自得牆東趣非關學楚狂

卜居方窩通接宇爲情親故有烟霞癖能甘芋栗貧詩書尋舊
味笑語得天眞儻好抽簪去應留健在身

再次前韻奉寄

應官聽鼓日午夜倒衣裳入眼鶯花亂迴頭歲月長窮年惟弄
筆補過自焚香一對郵筒寄開緘喜欲狂

殷勤憑驛使尺素答周親作宦已成拙思鄉翻受貧兩家風氣
古百歲性情真欲送天台杖將扶物外身

嚴州試竣聶京圃同年重宴余於清風亭卽席賦別小瀛
洲蓋酒間語也

片颿欲發更淹留花底提壺勸未休如此湖山難再得可無風
月續前遊朱欄曲畔聽漁笛銀燭光中散酒籌他日有懷天末
語憶君長在小瀛洲

李湘浦同年來自淮陰招飲湖上

舊遊蹤迹半模糊何意清暉照海隅
揮手未堪拋仕宦放懷也爲戀蒹蘆
秋高酒載龍頭舫日晏香添鵲尾爐
我欲還燕君向粵可能此地更逢無

遂初草廬詩集卷十 石畫龕集

琅槐杜 壩石樵著

送韓桂齡司寇南歸

西風返棹闔閭城水驛山郵識姓名
指點孤帆秋雁小思量春夢曉雲輕
鱸莼興發黃花節游釣蹤尋白鷺盟
最是月明歌水調瓊樓玉宇不勝情

題顧小崖先生看梅卷子

翰林文字

三朝遇處士風流萬古情
築室從來憐鄧尉歸田不爲厭承明

玉堂十載江天遠鐵笛孤村海國晴
除卻梅花誰伴侶夢魂依舊繞蓬瀛

韓桂舫先生書來見示居鄉近什因題畫扇答寄

應官聽鼓未能休曉月殘霜送白頭
幾似還家韓比部五湖春色一扁舟

筠圃表兄詩來招飲花下先遣奉答

一月長安見幾回朝朝奴子報花開
儘教晚景留春駐爲有前期折簡催
倒屣喜聞扶杖過攜壺相勸抱孫來
韶華滿眼今能幾忍負當年入手杯

東石士

春色已如許可無一日醉寫扇持贈君問訊花開未

題顧晴芬水竹柴門卷子

君家門徑舊來諳百頃風湖一鏡涵何意長安披卷對又隨鄉
夢到江南

海門烟樹掩荆扉卜宅南村事已非三十年來同作宦退朝花
底當春歸

丹林先生童子釣遊圖卷書後

人生百年內忽如駒過隙寸景不可留一往俱塵迹惟有嬉戲

時寤寐恆歷歷玉顏倏已緇縮年顧何術前者乞假還杜陵問
家室童稚稍來親謂我皆云客循行田隴畔昨別幾何日輾轉
成老翁撫事良太息先生示此卷振觸入肝鬲豈高少尹蹤爲
踐二疏迹達人意有屬匪伊淺者測歸來彭澤懷往日左徒惜
古今猶旦暮簪紱自泉石杖屨隨春風何寓不成適以茲更三
復欣然忘今昔雨歇雲欲流並目遠天碧

顧渚茶同年自西域還示天山快雪圖書後

短衣匹馬向邊城雪擁輪臺萬里行今日紫薇相對語斯遊眞
合冠平生

六橋烟柳浩無邊
幾卧西泠釣月船
同是天涯鴻爪印
壯懷雅韻讓君偏

次韻星槎表兄見寄

背郭堂成竹掩扉
林泉勝事古人稀
檐花卧雨侵藤簟
砌葉飄風綴橘衣
課讀窗前聽燕語
勸耕隴畔數鴉飛
詩來喚起長安夢
爭羨人間擁戟闥

畫扇寄晴芬

結宇自棲眞
高山復茂林
片雲來往處
還識故人心

小景送林少穆開藩楚南

冠蓋馳驅洛下逢清言一豁故人胸而今又迫王程去眼底關
山幾萬重

顧蘭崖來都招飲東軒

十丈紅塵擁馬頭客來庭院忽逢秋幾年烟雨江南岸雲水茫
茫說舊游

石士以畫軸題詩壽余及兒子奉使次孫鄉舉之事次韻
奉答

漫言白髮致青雲手寫巾箱付子孫慚愧科名今又續長懷祖
德俞

君恩

晴芬司農乞假歸里以詩留別卽次其韻奉餞

夢繞松風返舊居

紫宸恩渥露華初輕裝畫舸爲詩舸雅供芸儲當飲儲綺散霞
天新抱朗鏡飛江月古歡餘懸知水竹柴門畔畫錦榮多錦不
如

襟激學海汎輕漚管領仙班陟上游玉筍鑑裁歸甲乙金倉風
績叶剛柔西山目豁千螺曉東第情怡萬象秋論取養生愧戀
闕天教白日爲君悠

遂初草廬詩集卷十

石畫龕集

每從退食步英塵宅卜東西邇

帝闈一夕手談成橘叟連朝心迹寄篙人
慧山尙憶穿雲展曲水應禔捧

日身杞菊功成梅鼎待還

朝長奉

禁垣春

原稿出門
人時琢甫

歲暮書懷

相逢俱是夢中人未覺何堪喚作眞
但使本來存面目底須餘外枉心神
十分滿月三生果一寸靈台萬古春
惟有

君親恩未報崦嵫西下又逡巡

七十

漫把頽齡說古稀
歲華每過轉依依
千門綠柳藏春色
九陌紅塵駐晚暉
北極雲霞棲鳳閣
東山烟雨釣魚磯
夜來欲化遼陽鶴
碧海茫茫底處飛

朝朝

朝朝腕脫簿書忙
鏡裏相看兩鬢霜
未是聖朝容棄物
儘教飽食送斜陽
笙歌

帝里新年樂
松菊家園舊
徑荒垂老自知筋力盡
豈宜重問永

豐坊

送李鹿坪同年謫安西

升沈吾輩固難量且作因緣盡此觴
千古風雲憑際會一身功過報

君王唐朝列戌皆通漢戊校開屯亦護羌
西去玉關天遠近故人翹首正茫茫

東風折柳國西門可把驪歌有別樽
豈謂多才終是累只如春夢渺無痕
荷戈尙預邊方計策馬長懷

聖主恩早晚歸來依

鳳闕不須芳草怨王孫

生日寄示受田

歲月今何往花開七十春
內觀須慧眼獨照有靈心
那詎超三界將毋掛一塵
扶鳩還自祝爲惜報恩身

恩賜

紫禁城騎馬恭紀

年來齒長步難工

渥澤深叨賜杖同

金闕夜寒更寂歷玉階行穩轡璫璫
馳驅豈有激清效顧盼兼

慙嬰鏤翁蒲柳重煩天愛惜夙宵何以勵微躬

再示受田

直廬夜夜聽宮鴉老去瞻

天覺路遐豈意衰遲榮更及顧慙鞭策力難加青絲緩鞋聞清漏

紫藥徐歸散晚霞自寫

新恩教兒子不徇爾位好傳家

暇逸端非

聖主心爲憐衰白獎辛勤瞻雲更矢無窮願戴斗能忘匪懈箴

葵藿抱丹原自昔桑榆返照又從今兒曹學步趨金馬舊迹花

甄子細尋

謝賞馬恩
值余生日也

調禮部書懷

學禮當年病未能老遷祠部轉兢兢自言趨走心猶壯豈意周
旋力不勝一片曉霜催玉漏幾回殘月望觚棱

恩深未擬抽簪去倚柱頻摩九節藤

送葉芸潭南歸

收取聲名四十年大江東去正茫然他時千里懷人夢底處相

逢落雁邊

煦齋相國會集山谷句書以贈君自辛酉及
今庚子恰四十年酒間芸潭述之以爲讖云

題藤窗懷友畫冊爲張孝廉

長安消夏日結屋蓋藤陰對影天南北興懷世古今寂寥羈客
思遲暮美人心感此成三歎階前黃雪深

觀復舍人春園樂事畫卷

曉入紫薇省晚歸春草堂情懷華鄂美風味菜根香對榻雨連
夕開書月滿牀一經傳世澤丹桂幾枝芳

湯敦甫前輩贈游龍杖賦謝二首

原序游龍水蕨卽蓼花也園中有此命護養之旣成製
以爲杖堅而輕世無知者因紀之以歌云云余跋其後

遂以其一贈余

此龍不復作霖雨拚與仙人汗漫游睡去儘教忘旦暮卧來誰
爲數春秋看花定見前身涉趣頻經故地留卻問先生雷起
處聲鏗尙恐動潛虬

以鐵裹尾也

自云老矣倩人扶頓覺今吾勝故吾大澤何時新蛻甲小園此
地舊拈鬚燃藜氣象千星漢荷蓀風神入畫圖報道是龍剛不
信一枝攜出碧珊瑚

用綠油飾之

自題畫意

山家終日閉門居流水聲中讀道書也有高樓能望遠夢魂終

不度匡廬

畫扇奉贈湯敦甫前輩承賜詩率成答謝二首

恍到湘湖二鴈間烟雲堆裏見家山當時撥棹曾相訪卻悔恩

恩冒雨還

道光四年雨中過先生之居晤談一晌時窗外方池水清見底至今猶在寤寐間

寫罷丹青又著書雙槐影裏閉門居自憐八十談兵畧不稱荷

衫賦遂初

時集錄古今將畧來詩注及殊自愧也

效陶二首

洋洋天地德時至自成春和風鳴倉庚我亦及茲晨願言恆歡
賞與物皆逢新悠悠百年內幸作義黃民

梁上有君子來窺善人室忽聞太邱言恍然復自失乃知人有
心向來苦未識掬水洒肺肝冰雪到肺腑古今當同然何事生
亂賊嗟哉黃農遠未造遂無及

春日感懷用前人成語寄意而已

苑邊高冢麒麟卧陌上閒花蛺蝶遊古往今來只如此幾人解
道死前休

灣頭楊柳綠絲絲隄畔風吹麥浪時一覺南華胡蝶夢十年不
到鳳凰池

思歸

激矢流波那暫停更堪池畔幾回青人拚鶴髮垂雙鬢惟戀巾
箱抱一經客舍鶯花春淡淡故鄉烟樹雨冥冥子規枝上三更
月夢繞關河不忍聽

岱雲蒼翠接鄉閭海色澈空照素居十畝關懷惟舊壘一編傳
緒有遺書琴囊劍匣俱零落竹徑松軒尙埽除百歲猶應魂膽
此兒童好爲補三條

聞家中兒童皆向學因以勵之

子受田出差江南卒於清江秋暮晚陰彌加淒切作詩當
哭

歲月唐唐事可知晚秋又遇晚風時只愁朔雪漫空起未覺殘

陽墮地遲聚散因緣何處問往還夢寐不堪思也應兜率天中去可信香山是了期

第三句因其樞回京方在途也第六句則其去至良鄉夢余命與僧同行迨其遺摺奏至後三日余假寐夢其至余榻前若伏謁余心動而寤也

先伯文端公文章學問一代偉人平生著作甚富悉能立
言不朽裨益儒林廉庚午之秋入

覲來都恐文端著作代遠年湮或有遺失詩稿十卷謹先付
梓其餘若述訓若武鏡若時文舉隅等書共十七種將以
次開雕垂諸久遠俾後人繼志述事知所遵循焉姪受廉
謹識

曾孫庭珪校字

璚